


Visoki predstavnik/specijalni predstavnik EU Lajčák zatražio provedbu reformi u sektoru obrazovanja



Visoki predstavnik i specijalni predstavnik EU, Miroslav Lajčák, prisustvovao je danas u Sarajevu potpisivanju Memoranduma o razumijevanju za uspostavljanje Konferencije ministara obrazovanja u Bosni i Hercegovini, između entitetskih premijera i predsjedavajućeg Vijeća ministara BiH. Nakon što je u drugoj polovini 2007. godine usvojeno nekoliko zakona u sektoru obrazovanja na koje se dugo čekalo, te nakon nedavnog Sporazuma o uspostavljanju obrazovnih agencija, potpisivanjem ovog memoranduma o razumijevanju stvara se dobra osnova za bolju koordinaciju i saradnju u ovoj oblasti u 2008. godini.

“Kada agencije budu uspostavljene i u potpunosti funkcionalne, te kada Zakon o stručnom obrazovanju i obuci bude konačno usvojen, BiH će imati zakonski i institucionalni okvir za provedbu reformi u sektoru obrazovanja u skladu sa uslovima za evropsko partnerstvo”, rekao je visoki predstavnik/specijalni predstavnik EU, Miroslav Lajčák, nakon potpisivanja Memoranduma o razumijevanju.